



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Vt accusatus vel iudicatus ab epscopis comprouincialibus, licenter  
appellet, & adeat Romanum pontificem. clxxvi.

**urn:nbn:de:hbz:466:1-10722**



vltra prouinciæ terminos, accusandi ante licentia nõ est, q̄ audiētia rogetur. Quod si quoquo modo præsumptum fuerit, statuerunt, vt, antequam & proprius locus, & sua omnia ei legibus redintegrentur, nullatenus à quoquam accusetur, aut criminetur: & nisi spõtè elegerit, cuiquam pro talibus respondeat. Sed postquam vt præfixum est, restitutus fuerit, & sua omnia ei legibus redintegrata sunt, dispositis ordinatisque suis, magnum spatium tractandi causam ei concedatur. Et postea si necesse fuerit, regulariter vocatus veniat ad causam: & si iniuste visum fuerit, accusantium propositionibus sustentatione fratrum respondeat. Nulla enim permittit ratio, dum ad tēpus eius bona, vel Ecclesiæ, atque res ab æmulis aut à quibuscūque detinentur, vt aliquid illi obiici debeat, nec quicquam potest ei quomodolibet maiorum, vel minorum obiici, dum Ecclesiis vel rebus aut potestatibus caret suis.

*De damnatione Episcoporum accusantium Episcopum, absque auctoritate apostolicæ sedis.*

Cap. CLXXV.

**S**I quis ab hodierna die & deinceps Episcopum præter huius sanctæ sedis sententiam dānare, & à propria pel- lere sede præsumperit, sciat se irrecuperabiliter esse dā- natum, & proprio perpetim carere honore: eosque qui absque huius sedis sententia sunt eiekti, vel damnati, huius sanctæ sedis auctoritate scitote pristinam recipere cō- munione, & in propriis restitui sedibus. Quoniā & prius, à tempore scilicet apostolorum, hæc sanctæ huic sedi cō- cessa sunt, & postea in memorata Nicæna synodo propter prauorum hominum infestationes, atque hæreticorū per- sequutiones: & insidiantium molimina fratrum, sunt con- corditer ab omnib⁹ roborata, vt magis singuli præuideāt, ne talia audeant perpetrare.

*Vt accusatus vel iudicatus ab episcopis comprovincia- libus licenter appellet, & adeat Romanum pontificem.* Cap. CLXXVI.

**P**Lacuit vt accusatus, vel iudicatus Episcopus à cōpro- uincialibus in aliqua causa episcopis licēter appel- let, & adeat apostolicæ sedis pontificem, qui aut per se, aut

Cap. In-  
ly papæ  
8. Orien-  
talib⁹ ept  
scopis mis-  
sum.

Ex decr.  
Victoris  
papæ. cū-  
ctis fra-  
tribus a-  
lexadria,  
cap. 1.



D. BURCHARDI EPIS. VVORMAC.

per vicarios suos eius retractari negocium procuret. Et dum iterato iudicio pontifex causam suam agit, nullus alius in eius loco ponatur, aut ordinetur episcopus quonia quamquam comprouincialibus episcopis accusati causam pontificis scrutari liceat, non tamen definire inconsulto Romano pontifice permissum est, cum beato Petro apostolo non ab alio quam ab ipso dictum sit domino: Quaecumque ligaueris super terram, erunt ligata & in caelis: & quaecumque solueris super terram, erunt soluta & in caelis.

*Vt per scripta nullius accusatio suscipiatur, eo absente qui accusatur. Cap. CLXXVII.*

*Ex epist.  
Steph. a.  
papae cū-  
ctis episco-  
pis missa,  
cap. 8.*

**P**er scripta enim nullius accusatio accusatore, & eo qui accusatur absentibus suscipiatur, sed propria voce, si legitima & condigna accusatoris persona fuerit, praesente videlicet eo quem accusare desiderat: quia nullus absens, aut accusari potest, aut accusare. Nullus tamē praefati ordinis vir accusari potest, aut respondere suis accusatoribus debet, priusquam regulariter à suo primite vocatus sit, locūq; defendēdi, aut inquirendi accipiat, ad abluēda crimina.

*Vt difficiliore cause ad apicem Romanae sedis referantur, vt apostolico terminentur iudicio, cuius sedis autoritate omnes Ecclesiae reguntur. Cap. CLXXVIII.*

*Ex epist.  
Anacle-  
ti papae  
omnibus  
Episcopis  
missa, ca.  
14.*

**S**i quae verò causae difficiliore inter vos ortae fuerint, ad huius sanctae sedis apicem eas, quasi ad caput referre, vt apostolico terminentur iudicio: quia sic Deum, velle ab eoque ita constitutum esse, antedictis testimoniis declaratur. Haec verò apostolica sedes, cardo & caput factū est à domino, & non ab alio est constituta. Et sicut cardine ostium regitur, sic huius sanctae sedis autoritate omnes Ecclesiae domino disponente reguntur.

*Quod omnes Episcopi possint appellare Romanam sedem in necessitatibus positi. Cap. CLXXIX.*

*Ex decr.  
Damasi  
pap. Ste-  
pha. epi-  
sco. Afri-  
cae missis,  
cap. 9.*

**Q**uam omnes appellare si necesse fuerit, & eius fulciri auxilio oportet. Nam, vt nostis, synodū sine eius autoritate fieri non est canonicum: nec episcopus nisi in legitima synodo, & suo tempore apostolica uocatione congregata, definitē damnari potest: neque vlla